



Broj: 04-02-3-933/21
Sarajevo, 30.11.2021. godine
(BD)

Na osnovu člana 61. stav (2) Zakona o upravi („Službeni glasnik BiH“, br. 32/02, 102/09 i 72/17), člana 13. stav (2) Zakona o ravnopravnosti polova u Bosni i Hercegovini („Službeni glasnik BiH“, broj 32/10) i člana 86a. Zakona o radu u institucijama Bosne i Hercegovine („Službeni glasnik BiH“, br. 26/04, 7/05, 48/05, 60/10, 32/13 i 93/17), direktor Ureda za zakonodavstvo Savjeta ministara Bosne i Hercegovine, d o n o s i

ODLUKU
O POLITICI NULTE TOLERANCIJE PREMA DJELIMA SEKSUALNOG
UZNEMIRAVANJA I UZNEMIRAVANJA NA OSNOVU POLA U UREDU ZA
ZAKONODAVSTVO SAVJETA MINISTARA BOSNE I HERCEGOVINE

Član 1.
(Predmet)

- (1) Ured za zakonodavstvo Savjeta ministara Bosne i Hercegovine je opredijeljen da osigura radnu sredinu bez seksualnog uznemiravanja i uznemiravanja na osnovu pola za sve osobe.
- (2) Niko nema pravo da seksualno uznemirava ili uznemirava na osnovu pola bilo koju osobu na radnom mjestu i u vezi sa radom.

Član 2.
(Posebna prava i obaveze)

Odredba iz člana 1. stav (2) se posebno odnosi na:

- a) pravo na radnu sredinu bez seksualnog uznemiravanja i uznemiravanja na osnovu pola;
- b) obavezu reagovanja kada su druge osobe žrtve seksualnog uznemiravanja i uznemiravanja na osnovu pola;
- c) obavezu prijavljivanja seksualnog uznemiravanja i uznemiravanja na osnovu pola;
- d) pravo na povjerljivost podataka disciplinskog postupka.

Član 3.
(Zabrane)

Seksualno uznemiravanje i uznemiravanje na osnovu pola su zabranjeni zakonima Bosne i Hercegovine, kojima je utvrđeno da seksualno uznemiravanje i uznemiravanje na osnovu pola postoji kada se radi o ponašanju koje je:

- a) neželjeno;
- b) verbalno, neverbalno ili neprimjereno fizičko ponašanje;
- c) seksualne prirode ili na osnovu pola;
- d) zastrašujuće, neprijateljsko, degradirajuće, ponižavajuće ili uvredljivo ili kojim se postiže takav učinak.

**Član 4.
(Mjere)**

Ured za zakonodavstvo Savjeta ministara Bosne i Hercegovine će preduzeti sve mjere utvrđene važećim propisima kako bi se ispitale sve okolnosti vezane za seksualno uznemiravanje i uznemiravanje na osnovu pola na radu i u radnim odnosima, te će osigurati da osoba koja prijavi ova djela neće trpiti posljedice zbog te činjenice.

**Član 5.
(Zahtjev/prijava za pokretanje disciplinskog postupka)**

Svaki zaposlenik/zaposlenica ima pravo da podnese zahtjev/prijavu za pokretanje disciplinskog postupka, u skladu sa važećim propisima, ukoliko smatra da je seksualno uznemiravan/a i uznemiravan/a na osnovu pola.

**Član 6.
(Imenovanje savjetnika/savjetnice)**

Ured za zakonodavstvo Savjeta ministara Bosne i Hercegovine će posebnom odlukom imenovati savjetnika/savjetnicu za prevenciju od seksualnog uznemiravanja i uznemiravanja na osnovu pola u Uredu za zakonodavstvo Savjeta ministara Bosne i Hercegovine.

**Član 7.
(Stupanje na snagu i objavljivanje)**

Ova odluka stupa na snagu danom donošenja i objaviće se na internet stranici Ureda za zakonodavstvo Savjeta ministara Bosne i Hercegovine.

Dostaviti:
- direktoru Ureda
- a/a

